



NAASU

PINNGORTITAP INUA



PINNGORTITAP NAGGORINNERA
UUMASUNUT INUNNULLU
NERISASSAQARTITSIVOQ
INUUNIARNERMULLU
TUNNGAVILIILLUNI.
AAMMA PINNGORTITAP INUIT
SAKKUSSIORNITSINNUT
ISUMALLUUTEQARTIPPAATIGUT.
NAASUP PINNGORTITAMIK
PAARSINISSARPUT
MINGUTSITSISOQANNGINNISSAALU
SORSUUTIGAA.



QUPPNERIT TULLIINI NAASU PILLUGU
OQALUTTUAQ TUSARNAASSAVAT.
- TUSARNAARLUASSAVAT, TASSAMI
PIKKORITTORUJUSSUUVOQ

NAASU, PINNGORTITAP INUA

Aasap ulluani alianaatsumi qoorunnguarmi qorsuusumi erinarsorpalaq katuarpalaarlu nalliupput. Naasu quassuk maavartog aqqusaarlugu nipaatumik kusanartumillu qitilluni takkuppoq. Naasut tamaasa erinarsorfigai, qitilluni katuarlunilu, naasullu nipit tusarnersut Naasumeersut iluarusuutigaa. Seqineq qinngorsimavoq, anorlilaarpoq, kisianni nillinguilluinnarluni. Naasu qitinnerminit erinarsornerminillu unillatsiarpoq aammalu paarnaqutinut innarluni. Suli nipilersuutinnuq niperujoorutigaa, paarnaqutit tigulluarpaat aammalu innanngavigalugit maavaarlutillu nuannerlutik.

Naasup naasut tamaasa nuannarisorujussuui. Allaat nuannaringaaramigit akuttunngitsumik ulloq tamaat taakkuinnaat eqqarsaatigisarlugit. Naasu paarnaqutini innangavoq qilallu isiginnaarlugu. Isumaqarpormi aasarsiorluarluni, kisianni taamaakkaluartoq isumanerluuteqarpoq. Innanngaviata qanitaaniippoq illoqarfik inupparparujussuit najugaqarfigisaat. Illoqarfimmi illut nutaarpassuit sananeqarsimapput, taannalu alliartuinnarluni.

Naasup illoqarfimmi nutaanik illuliorfiusimasog aqqusaarlugu qitinniarluni illullu nutaat qimerloorniarlugit, aammalu sumiiffinni taakunani naasut qanoq innersut takusarniarlugit aalajangerpoq. Taakunga apuukkami sumiiffimmi pisuttualarpoq. Naasorpasuit tamaaniikkunnaarsimapput, tamatumunngalu taarsiullugu nunami qaarsumilu illoqalersimalluni. Taamaattoq Naasu isumaqarpoq ajunngitsutut isikkoqartoq, aammalu inuit pingaartumillu meeqqat illunik pitsaasunik najugassaqalersimanagerat nuannaarutigaa.

Sumiiffimmi ingerlaarluni aqquimini Naasup tassanngaanaq igutsak naapippaa. Issittup igutsassua nalinginnaasumik sinerissami maaniittanngikkaluarpoq aammalu tamaani sunersoq pinngortitap inuata tupigusutigaa. Nalunngilaa igutsak taanna aammalu igutsaat allat sullernillu nunarsuarmi tamarmi pinngortitamut pingaaruteqartorujussuupput. Tassami naasut pujoralatserarpaat aammalu ukiut tamaasa paarnaqalertarnera naasunilu naatitassaqalertarnera isumagisarlugu.



Taamaalilluni naatitassat nunamut nakkarneranni naajartulernerannilu nutaanik naasoqalertarpoq. Taamaattumik nalunngilaa igutsaat sullernillu naasorpasuarlut nuannarilluinnakkaminut pingaaruteqartorujussuusut.

Naasu igutsaap tungaanukarpoq nipaatumillu erinarsorfigalugu, mianersortumik katuuminik katuarpalaajutigaluni, taamaalilluni qimaatinnaveersaarlugu. Igutsak aperaa tamaani aamma sunersoq. Igutsak aallaqqaammut tupaalarualarluni ujaqqamut mippog. Naasu mianersorluni ujaqqap sanianut ingippog aammalu igutsak tamaani sunersoq apereqqillugu. Igutsak sungaartuullunilu qerner-tuusog nipikitsunnguulluni nassuiaavoq aggerfimminiit qimagulluni tingisariaqarsimalluni.

Sooq igutsak angerlarsimaffimminiit tingisariaqarsimanager-soq Naasup eqqumiigaa. Nalunngilaa igutsaat hunnorujut arlallit amerlassuseqarlutik ilaqutariissuurtut uumasuusut, eqqarsarporlu qimagulluni tingisimaguni kiserliulissa-soq. Naasup aperaa tingisariaqarsimamat sunik ajortoqarsimanager-soq. Igutsak akivoq ilaqutariinni allat napparsimalersimasut quersulersimasullu, aammalu ikiortariaqalersimallutik. Igutsaap tusarsimavaa meeqqat pinngortitap inua suartarai, taamaattumillu pinngortitap inua ujarlugu tingisimalluni. Igutsaap ujaraanni tusarlugu Naasu nuannaalerpoq, kisianni aamma isumaalulerluni. Igutsaat isumaalugai, kisianni aamma naasut igutsannik allanillu sullinernik pinngitsuisinnaanngitsut tamaasa eqqarsaatigalugit.

Igutsaap aggerfigisaa takusarniarlugu Naasu aalajangerpoq. Taamaattumik nassuiaatereermani sumunnassanerluni inuulluaqqusivoq. Naasu qaqqami qummuinnaq igutsaap oqaatigisaanut pisuppoq. Aqquataani qitilaartarpoq erinarsuutigaluni aammalu katuarpalaajutigaluni. Isumaaluppog, kisianni taamaakkaluartoq aqquataani naasut qitifiginissaat erinarsorfiginissaallu pingaartippaa.





Naqinninnguarmut igutsaap nassuaatigisaanut apuukkami ingippoq. Sequnngerpoq eqqarsarlunilu igutsaat sumiippammita. Uumasut naasullu eqqaminiittut attaveqarfigilerniarlugit maannakkut angakkuarsinnaanini atulerpaa. Orpikkat sorlai qajannaatsut, naasut kusanartut aammalu kigutaarnat tungusuninnerat malugai. Tulugaq qanittumiit-
toq, aammalu ukaleq ungasinnerulaartumiittoq maluginnaavai. Tassangaannaq takkuppoq. Issittup Igutsassuiniit hunnorujulikkaanit qanittumiittunit nukik malugisinnaavaa. Niperujuulerpoq igutsaallu timmillutik ornippaat. Igutsappassuit maannakkut tikerarpaat. Assani siaarlugu isaappaa aammalu igutsaat dronningiat angisoorujussuaq assaanut kusanartumik saamasumik mippoq.

Naasup maannakkut igutsaat dronningiat aperaa ajortogarnersaq? Igutsaat dronningiat oqaluttuarpoq ukiorpasuit matuma siorna nappaat nutaaq nunami allami igutsaat nappaatigilersimasaat tusarsimallugu. Taamaattoq igutsaat dronningiat taamanikkut ernumasimangilaq, pissutigalugu nuna taanna ungasissorujussuarmiimmat, aammalu igutsaat arlaalluunniit taama ungasitsigisumut timmisinnaanngimmat. Taamaakkaluartoq nappaat maannakkut maanga anngussimavoq, aammalu igutsaat dronningiat oqaluttuarpoq inuit illuni nutaani ullumi siusinnerusukkut takusimasamini najugaqartut tikiusimagaat.

Tassami inuit timmisartorujussuarni angalasarput aammalu ungasissorujussuarmut angalasinnaallutik. Taamaatumik nunami ungasissumiittumi arlaata skuuisa ataanni nappaateqalaarsimavoq, taannalu maannakkut naqinninnguarmi igutsanni ilaqutariinniilersimavoq.

Naasup ikiuukkusulluni aammalu qujanartumik angakkuarsinnaalluni igutsaat dronningiat oqaluttuuppaa. Taamaattumik igutsaat tamaasa nutsaminut qernertunut meqquai. Igutsaat tamarmik nutsaminut mereermata qitilerpoq erinarsulerlunilu. Aallaqqaammut arriitsuunguarmik erinarsulaaginnarpoq. Taava katuarpalaarlunilu qitilerpoq aammalu erinarsornera, katuarpalaarnera qitinneralu sukkatsikkiartuaalerput. Naggataatigut unippoq, issoraannarluni qeqarpoq. Taava igutsaat nutsamiiniit tingeqqeqquai aperalugillu tamarmik maannakkut aaqqissimannginnersut. Igutsaat hunnorujulikkaat arlallit tamarmik ataatsikkut akipput aaqqissimallutik aammalu napparsimajunnaarlutillu quersorunnaarlutik. Naasup annaassimavai.

Naasup igutsaat qujamasoqisut inuulluaqquai, aammalu annaassinnaagamigit nuannaarutigalugu. Illut sumiiffiat uterfigaa aammalu igutsannguaq qasusimasooq nappaat pillugu oqaluttuussisooq naapillugu. Oqarfigaa igutsaat tamarmik aaqqissimasut, aammalu igutsannguaq angerlaqqissinnaalersooq. Igutsak nuannaatsappooq ilaqtutaminullu angerlarniarluni tingilluni. Igutsaat annaassinnaagamigit qujamasulluni Naasup eqqarsaatigaa, kisianni nappaat suli sumiiffinni allarpassuarniissinnaavoq. Tullianik inuaqatini tamaasa naapikkunigit oqaluttuarinissaa eqqaamassusaassavaa, taamaalillutik ataatsimoorlutik qanoq illuuseqarfigisinnaaniassagamikku.



NUNARSUAQ TAMAKKERLUGU ANGUNIAKKAT:



NUNARSUARMÍ ANGUNIÁKKAT

NUNARSUARMÍ ANGUNIÁKKAT 15 nunami uumassusilinnut tunngassuteqarpoq. Tassa imaappoq naasut, sullernit, uumasut timmissallu nunami uumasuusut. Igtsaat aammalu inunnut uagutsinnut qanoq pingaaruteqartiginersut oqaluuserisigit, pissutigalugu naasunut iluaqutaasarmata. Naasutuut erinarsorlusi qitillusilu misilissiuk, aammalu angakkuakkatut nukeqarlusi uumasut nappaatiniit annaassinnaallugit pinnguaritsi.

NUNARSUARMÍ ANGUNIÁKKAT
KORTIT BAMSIP KARSIANIITTUT
QAQIKKIT AAMMALU NUNARSUARMÍ
ANGUNIAGAQ MATUMA SIULIANI
TAANEQARTOQ OQALUUSERALUGU

15 NUNAMI
UUMASSUSILLIT

